

Por resolución da Presidencia n.º 4344/2020 de 5 de febreiro aprobáronse as bases e a convocatoria que se transcriben a continuación:

BASES DE PARTICIPACIÓN NA FEIRA QUE SE DESENVOLVERÁ O DÍA 29 DE FEBREIRO NA PRAZA DE CERVANTES EN SANTIAGO DE COMPOSTELA, NO MARCO DA CELEBRACIÓN DO FESTIVAL ROSALÍA 2020, E CONVOCATORIA

1.- A Deputación da Coruña, a través da área de Cultura, regula mediante o presente documento a organización da Feira que se desenvolverá o día 29 de febreiro na Praza de Cervantes de Santiago de Compostela, no marco da celebración do Festival Rosalía 2020

A Feira e a instalación dos postos conta coa preceptiva autorización do Concello de Santiago de Compostela.

2.- O prazo de presentación de solicitudes iniciará ás 0:00 h do día 07/02/2020 e finalizará ás 14.00 h do día 17/02/2020

3.- As persoas interesadas en participar deberán enviar por correo electrónico a cultura@dacoruna.gal a seguinte documentación:

Ficha de inscrición, cuberta e asinada (Anexo I)

Fotocopia do DNI da persoa solicitante

Fotocopia do documento de alta no IAE

Seguro de responsabilidade civil

Listaxe dos produtos que serán obxecto de exposición e/ou venda e, a poder ser, imaxes de cada un dos materiais para a súa difusión en redes nas semanas previas.

4.- Só se exporán e venderán os obxectos que teñen a imaxe de Rosalía ou a súa obra como motivo principal. Non se aceptarán solicitudes para a venda de produtos alimenticios, xa sexan comidas ou bebidas.

5.- A participación na feira no suporá custe algún.

6.- Día de celebración (29 de febreiro):

- Ás 8:30 h darase acceso aos coches ata a Praza de Cervantes para a descarga de materiais.

- A montaxe dos postos terá lugar desde as 9:00 h ata ás 10:30 h, e levarase a cabo con asistencia do persoal que coordina a feira.

- Concluída a celebración desta feira, a partir das 22:00 h darase acceso aos coches para cargar os materiais e desmontaxe dos postos, debendo deixar o entorno completamente limpo.

7.- Os postos de venda son de 2 x 2 ms.. A ubicación dos postos farase conforme os criterios da coordinadora da feira.

8.- A organización garantiza a seguridade do recinto nas horas nocturnas e durante o día da feira, así como o cadro eléctrico.

9.- A selección das solicitudes de participación farase conforme os criterios seguintes:

- adecuación á temática rosaliana, con produtos que poñan en valor a figura, obra e coñecemento social da autora
- diversidade de produtos, favorecendo a existencia de contidos diferentes

10.- A adxudicación dos postos é competencia da área de Cultura da Deputación da Coruña, publicando a lista de adxudicatarios na súa páxina web www.dacoruna.gal. As adxudicacións serán persoais e intransferibles.

11.- Todas as informacións e comunicacións faranse na páxina web da Deputación da Coruña.

12.- Os datos subministrados teñen a finalidade de poder tramitar esta convocatoria e están protexidos pola Lei Orgánica 3/2018, de 5 de decembro de Protección de Datos Persoais e garantía dos dereitos dixitais. O responsable do tratamento dos datos é a Deputación Provincial da Coruña e os encargados serán as persoas comisarias do Festival Rosalía 2020 contratadas pola Deputación. A lexitimación para o tratamento dos datos persoais contidos nesta solicitude é o consentimento que o asinante outorga á Deputación Provincial coa súa firma. No caso de que sexa denegado o consentimento para o tratamento dos datos persoais, non poderá presentarse a esta convocatoria por imposibilidade de tramitación da solicitude. O destinatario dos datos é a Deputación Provincial e as persoas comisarias, que non cederán datos a terceiros, salvo obriga legal. As persoas que participen na convocatoria teñen os dereitos a acceder, rectificar ou suprimir datos erróneos, solicitar a limitación do tratamento dos seus datos así como opoñerse ou retirar o consentimento e solicitar a portabilidade dos mesmos en calquera momento. Estes dereitos poderán exercerse perante as oficinas centrais da Deputación sitas na Av. Porto da Coruña, 2, 15003 A Coruña ou ben a través de medios electrónicos, dirixindo un correo ao enderezo delegadodeprotecciondedatos@dacoruna.gal. Pode consultar a política de privacidade da Deputación na dirección [//www.dacoruna.gal/avisos/politica-privacidade](http://www.dacoruna.gal/avisos/politica-privacidade).

13.- A presentación e sinatura da solicitude implica o coñecemento e aceptación íntegra das presentes bases.